



BOTTALLA.

ES. COR JENI

BX2157

B6

1881

C. 1

45580

009003





1080021176



EX LIBRIS

HEMETHERII VALVERDE TELLEZ

Episcopi Leonensis





E

HEMET

to  
1/10





*Torino, 1881. J. P. Dreyer.*

OFFERTA AL SS<sup>MO</sup> CUORE DI GESÙ

Io NN. per esservi grato e per riparare alle mie infedeltà vi dono il cuore, ed interamente mi consacro a Voi, amabilissimo mio Gesù, e col vostro aiuto propongo di non più peccare.

*Chiunque reciterà la detta offerta con cuore contrito conseguirà 100 giorni d'indulgenza una volta al giorno, e la plenaria una volta al mese confessato e comunicato; se la reciterà ogni giorno in tutto il mese.*

Torino, presso Marietti, Pietro di G<sup>ra</sup>

SS. COR JESU

SACERDOTUM SANCTITATIS SPECULUM

UT EJUS MISSIONEM IMPLEANT

AUCTORE

P. EMM. BOTTALLA

SOCIETATIS JESU

—  
Editio II.



Capilla Alfonso  
Biblioteca Universitaria  
Biblioteca Verde y Verde

TAURINI

EX TYPOGRAPHIA PONTIFICIA ET ARCHIEPISCOPALI

Eq. PETRI MARIETTI

1881

45580





Bx 2157

B6

1881



—  
Editor sibi vindicat jus proprietatis.  
—



FCO 83784 2107  
VALM... EZZ

Cum liber cui titulus : *Sacratissimum  
Cor Jesu Sacerdotum sanctitatis speculum,  
ut ejus missionem impleant* a P. EMMAN.  
BOTTALLA nostræ Soc. compositus, virorum  
gravium et sapientum ejusdem Soc. ju-  
dicio examinatus et approbatus fuerit,  
quod ad me spectat, facultatem facio ut  
typis mandetur.

Constantinopoli, 6 julii 1880.

P. FERDINANDUS FERRANTE S. J.

*Provincialis Provinciæ Siculæ.*

009963



## PROÆMIUM



Quamvis neminem lateat toti Ecclesiæ, omnibusque indistinctim Christi fidelibus sacratissimum Cor Jesu honorandum, amandum et colendum fuisse propositum, toti scilicet mystico Ecclesiæ corpori, quandoquidem Cor ejus est qui est caput Ecclesiæ: tamen dubitare nemo potest quin speciali quadam ratione ecclesiasticis et religiosiis viris donatum ac præ omnibus confisum fuerit ab eo qui « eos elegit ut eant et fructum afferant et fructus eorum maneat (1). » Hi sunt absque dubio ecclesiastici et religiosi viri, iique præ ceteris, qui sacerdotio insigniti « ministri sunt et dispensatores mysteriorum Dei. »

Quibus enim profecto Isaias dicit: « Haurietis aquas in gaudio de fontibus Salva-

(1) Jo. xv, 16.



toris : et dicetis in die illa : Confitemini Domino et invocate nomen ejus : notas facite in populis adinventiones ejus : mementote quoniam excelsum est nomen ejus (1)? » Sane inter presbyteros, sive sæculares sive religiosos, et populum fidelem, hoc est discriminis relate ad Cor Jesu : illi quidem gratiarum fontibus præsent, qui ex Corde Jesu scaturiunt, et hujusmodi cœlestes aquas ex his purissimis fontibus hauriendi missionem habent, ut populo distribuant ; hic vero ex sacerdotum manibus has gratiarum aquas recipit, quæ ut haustæ sunt, « fiunt in eo fons aquæ salientis in vitam æternam (2). »

Quæ quamvis ex inferius dicendis lucidiora fient, volumus tamen hic prælibare, ut omnes noscant qua de causa ejusmodi titulum nostro huic imposuerimus libello. Non enim fideles alios a Corde Jesu abigere mens fuit, vel iis innumeris privare bonis, quæ ex ipso abundantissime effluunt ; sed ostendere præcipuas partes in his bonis, seu fruendis seu diffundendis, ecclesiasticorum et religiosorum virorum esse,

(1) Is. XII, 3.

(2) Jo. IV, 14.

qui socii laborum et passionum ejus, participes etiam præ ceteris sunt charitatis illius, quæ ut ignis ardens atque omnia comburens ubique diffunditur.

Igitur scopus hujus opusculi est : 1° ecclesiasticos quoscumque et religiosos viros hortari, ut majoribus quibus possunt viribus, magis in dies magisque, amore ardentissimo erga Cor Jesu ferantur, idque non solum verbo et lingua, sed opere et veritate : quo et dignitati suæ propriæ provideant, atque in se Christum ipsum præseferant, quod ejus ministri sunt et præcipua membra ; 2° atque simul eos impellere ut omnibus conatibus, omnique qua possunt ope et vi contendant ad amorem hunc propagandum fovendumque in populo sibi subjecto, cum sciant nullum aliud esse tam efficax medium ad religionem tuendam conservandamque, moresque popularium reformandos.

Propositum nobis non est infinitam prope rerum farraginem et ratiocinationum congerere ; quæ pro volumine ipso legendi horrorem ingerat iis potissimum, qui laboribus quotidie distenti, vix vacua habent



momenta ad se his piis lectionibus recreandum, fovendumque spiritum. Alia sunt opera, alii sine numero libri, qui docte, fuse, lateque de Corde Jesu et de sacerdotum muneribus sermonem habent, quosque, pro otio sibi concessio, sacerdos pervolvare queat, ut ex eis argumenta non pauca ad populum in Christi amorem excitandum sumat. Satis nobis sit compendiosum quoddam opus ecclesiasticis religiosisque viris porrigere, ut si fieri possit quotidie aliquid ex eo perlegant, atque inde vel motiva in Cordis Jesu amore proficiendi, vel praxim in iis operibus, quæ ipsis sunt propria, desumant.

Itaque duas partes hoc opusculum continet, quarum prima rationes per breviter digerit, quæ nos sacerdotes ad fovendam in nobismetipsis et in populo devotionem erga Cor Jesu et amorem compellunt vel disponunt; altera vera practica quædam exercitia evolvit, quæ vitæ sacerdotalis actiones omnes et ministeria sancta reddunt, atque apta ad missionem illam implendam, quam a Christo receperunt.

Aliquas de Corde Jesu meditationes huic

opusculo addere mens fuit: sed quoniam inter scribendum jam volumen satis excreverat, prudentius opinati sumus rem hanc alteri opusculo esse committendam, quod, Deo juvante, serius ecclesiasticis et religiosis viris, prout otium aliæque curæ nobis sinent, præbebimus.

Faciat Deus, ut hoc parvum opus divino auspicio et ex ejus Filii amore inceptum, ejus pariter amore perficiatur, atque in ecclesiasticorum et religiosorum virorum perfectionem sanctitatemque vertatur; quo una omnes zelo atque amore in Cor Jesu elati magnis itineribus in cœlestem patriam contendamus.

---